





石倉十二代詩選

唐卷之五十八

中唐 十七

明候官曹學佺閱

李賀

字長吉  
隴西人

還自會稽歌

并序

庾肩吾於梁時嘗作宮體謠引以應和皇子  
及國世淪敗肩吾先潛難會稽後始還家僕  
意其必有遺文今無得焉故作還自會稽歌  
以補其悲

野粉椒壁黃濕螢滿梁殿臺城應教人秋衾夢



銅輦吳霜點歸髮身與塘蒲晚脉脉辭金魚羈  
臣守迤賤

同沈駙馬賦得御溝水

入苑白泱泱宮人正曆黃遶堤龍骨冷拂呀鴨  
頭香別館驚殘夢停杯泛小觴幸因流浪處暫  
得見何郎

長歌續短歌

長歌破衣襟短歌斷白髮秦王不可見旦夕成  
內熱渴飲壺中酒飢投隴頭粟淒淒四月蘭干

里一時綠夜峰何離離明月落石底徘徊沿石  
尋照出高峰外不得與之遊歌成髮先改

難忘曲

夾道開洞門弱楊低畫戟簾影竹華起簫聲吹  
日色蜂語繞粧鏡拂蛾學春碧亂繫丁香稍滿  
欄花向夕

賈公闈貴婿曲

朝衣不須長分花對袍縫嚶嚶白馬來滿腦黃  
金重今朝香氣苦珊瑚澁難枕且耍弄風人暖



歷代詩選 唐李賀  
蒲沙上飲燕語踏簾鉤日虹屏中碧潘令在河  
陽無人死芳色

昌谷詞

昌谷五月稻細青蒲平水遙巒相壓疊顏雲愁  
墮地光潔無秋絲涼曠吹浮媚竹香蒲淒寂粉  
節塗生翠草髮垂恨髯光露泣幽淚層圍爛洞  
曲芳徑老紅醉捲蟲鏤古柳蟬子鳴高邃大帶  
委黃葛紫蒲交狹浹石錢差復藉厚葉皆蟠膩  
汰沙好平白立馬印青字晚鱗自遨遊瘦鵠暝

單跣嘹嘹濕姑聲咽源驚濺起紆緩玉真路

近武

后巡幸處神蛾蕙花裏苔絮縈澗礫山實垂頰紫小

柏儼重扇肥松突丹髓鳴流走響韻龍秋拖光

穉鶯唱閔女歌瀑懸楚練帔風露滿笑眼駢巖

雜舒墜亂條迸石嶺細頸啞島恣日脚掃昏翳

新雲啓華閤謐謐厭夏光商風道清氣高眠復

玉容燒桂祀天儿霧衣夜披拂眠壇夢真粹待

駕棲鸞老故宮椒壁地鴻龍數鈴響羈臣發涼

思陰藤束朱鍵龍帳著魑魅碧錦帖花檉香衾



歷代詩選 唐李賀  
事殘貴歌塵蠹木在舞綵長雲似珍壤割綉段  
里俗祖風義鄰凶不相杵疫病無邪祀鮪文識  
仁惠卯角知覲恥縣省司刑官戶乏詬租吏竹  
藪添墮簡石磯引鈎餌溪灣轉水帶芭蕉傾蜀  
紙岑光晃穀標孤景拂繁事泉樽陶宰酒月看  
謝郎妓丁丁幽鐘遠矯矯單飛至霞嚙殷崖峩  
危溜聲爭次淡蛾流平碧薄月眇陰悴涼光入  
澗岬廓盡山中意漁童下宵網霜禽竦烟翅潭  
鏡滑蛟涎浮珠噉魚戲風桐瑤匣瑟螢星錦城  
伎柳綴長縹帶篁掉短笛吹石根綠綠蘼蘆笄  
抽丹漬漂旋弄天影古檜拏雲臂愁月薇帳紅  
冑雲香蔓刺芒麥平百井閒乘列千肆刺促成  
幾人好學鷓夷子

摩多樓子

玉塞去金人二萬四千里風吹沙作雲一時渡  
遼水天白水如練甲絲雙串斷行行莫苦辛城  
月猶殘半曉氣朔煙上趨起胡馬蹄行人臨水  
別隴水長東西



綠水詞

今宵好風月阿侯在何處爲有傾人色翻成足  
愁苦東湖採蓮葉南湖拔蒲根未持寄小姑且  
持感秋魂

送韋仁實兄弟入關

送客飲別酒千觴無楮顏何物最傷心馬首鳴  
金環野色浩無主秋明空曠間坐來壯膽破斷  
日不能看行槐引西道青梢長攢攢韋郎好兄  
弟疊玉生文翰我在山上舍一畝蒿硯田夜雨

叫租吏春聲暗交關誰解念勞勞蒼突惟南山

莫愁曲

草生龍坡下鴉噪城堞頭何人此城裏城角栽  
石榴青絲繫五馬黃金絡雙牛白魚駕蓮船夜  
作十里游歸來無人識暗上沉香樓羅牀倚瑤  
瑟殘月傾簾鉤今日槿花落明朝桐樹秋莫負  
平生意何名何莫愁

蜀國絃

楓香晚花靜錦水南山影驚石墜猿哀竹雲愁



歷代詩選 唐李賀  
半嶺涼月生秋浦玉沙粼粼光誰家紅淚客不  
忍過瞿塘

蘇小小墓

幽蘭露如啼恨無物結同心煙花不堪剪草如  
茵松如蓋風爲裳水爲佩油壁車久相待西陵  
下風吹雨

南園

小樹開朝迳長茸濕夜煙柳花驚雪浦麥雨漲  
溪田古剎疎鐘度遙嵐破月懸沙頭敲石火燒

竹照魚船

黃頭郎

黃頭郎撈籠去不歸南浦芙蓉影愁紅獨自垂  
水弄湘娥珮竹啼山露月玉瑟調青門石雲濕  
黃葛沙上蘼蕪花秋風已先發好持掃羅薦香  
出鴛鴦墊

傷心行

咽咽學楚吟病骨傷幽素秋姿白髮生木葉啼  
風雨燈青蘭膏歇落照飛娥舞古壁生凝塵羈



魂夢中語

勉愛行送小季之廬山

洛郊無俎豆弊廡斬老馬小雁過鑪峰影落楚  
水下長船倚雲泊石鏡秋涼夜豈解有鄉情弄  
月聊鳴啞

追和何謝銅雀妓

佳人一壺酒秋容滿千里石馬臥新煙憂來何  
所侶歌聲且潛弄陵樹風自起長裾壓高臺泪  
眼看花開

送秦光祿北征

北虜膠堪折秋沙亂曉輦髯胡頻犯塞驕氣似  
橫霓灞水樓船渡營門細柳齊將軍馳白馬豪  
彥騁金閨前射攬槍落旗懸日月低簡稀山易  
見甲重馬頻嘶天遠星光沒沙平草葉齊風吹  
雲路火雪汗玉關泥

追賦畫江潭苑

吳苑曉蒼蒼宮衣水濺黃小鬟紅粉薄騎馬珮  
珠長路指臺城迥羅薰袴褶香行雲霑翠輦今



日侶襄王

王濬墓下作

人間無阿童猶唱水中龍  
白草侵煙死秋藜遶地紅  
古書平黑石神劍斷青銅  
耕勢魚鱗起墳科馬鬣封  
菊花垂濕露棘逕臥乾蓬  
松柏愁香澁南原幾夜風

銅駝悲

落魄三月罷尋花去東家誰作送春曲  
洛岍悲銅駝橋南多馬客北山饒古人  
客飲盃中酒駝

悲千萬春生世莫徒勞風吹盤上燭  
厭見桃株笑銅駝夜來哭

七月一日曉入太行山

一夕遶山秋香露溼蒙築新橋倚雲  
阪候蟲新露樸洛南今已遠越衾誰爲  
熟石氣何淒淒老莎如短鏃

塞下曲

胡角引北風薊門白於水天含青海道  
城頭月千里露下旗濛濛寒金鳴夜刻  
蕃甲鏃蛇鱗馬



嘶青塚白秋靜見旄頭沙遠席羈愁帳北天應  
盡河聲出寒流

嘲雪

昨日發葱嶺今朝下蘭渚喜從千里來亂笑含  
春雨龍沙濕漢旗鳳扇迎秦素久別遼城鶴毛  
衣已應故

高平縣東松路

侵侵欄葉香木花滯寒雨今夕山上秋永謝無  
人處石礮遠荒澁棠實懸辛苦古者定幽尋呼

君作私路

李憑箜篌引

吳絲蜀桐張高秋空山凝雲頽不流江娥啼竹  
素女愁李憑中國彈箜篌昆山玉碎鳳凰叫芙  
蓉泣露香蘭笑十二門前融冷光二十三絲動  
紫皇女媧煉石補天處石破天驚逗秋雨夢入  
神仙教神嫗老魚跳波瘦蛟舞吳質不眠倚桂  
樹露脚斜飛濕寒兔

殘絲曲



垂楊葉老哺鶯兒殘絲欲斷黃蜂歸綠鬢年少  
金釵客縹粉壺中沉琥珀花臺欲暮春辭去落  
花起作迴風舞榆筴相催不知數沈郎青錢夾  
城路

雁門太守行

黑雲壓城城欲摧甲光向日金鱗開角聲滿天  
秋色裏塞上燕脂凝夜紫半捲紅旗臨易水霜  
重鼓聲寒不起報君黃金臺上意提攜玉龍爲  
君死

送沈亞之歌

吳興才人怨春風桃花滿陌千里紅紫絲竹斷  
驄馬小家住錢塘東復東白藤交穿織書笈短  
策齊裁如梵莢雄光寶礦獻春卿煙底驀波乘  
一葉春卿拾材白日下擲置黃金解龍馬攜笈  
歸江重入門勞勞誰是憐君者吾聞壯夫重心  
骨古人三走無摧挫請君待旦事長鞭他日還  
轅及秋律

綠章封事



青霓扣額呼宮神，鴻龍玉狗開天門。  
 石榴花發滿溪津，溪女浣花染白雲。  
 綠章封事認元父，六銜馬蹄浩無主。  
 虛空風氣不泠冷，短衣小冠作塵土。  
 金家香銜千輪鳴，揚雄秋室無俗聲。  
 願攜漢戟招書鬼，休令恨骨填蒿里。

貴主征行樂

奚騎黃銅連鎖甲，羅旗香幹金畫葉。  
 中軍留醉河陽城，嬌嘶紫燕踏花行。  
 春營騎將如紅玉，走馬梢鞭上空綠。  
 女垣素月角啾啾，牙帳未開分

錦衣

羅浮山父與葛篇

依依宜織江雨空，雨中六月蘭臺風。  
 博羅老仙時出洞，千歲石牀啼鬼工。  
 蛇毒濃凝洞堂濕，江魚不食銜沙立。  
 欲剪箱中一尺天，吳娥莫道吳刀澁。

宮娃歌

蟄光高懸照紗空，花房夜擣紅守宮。  
 象口吹香氍毹暖，七星挂城聞漏板。  
 寒入翠幃殿影昏，彩



鸞簾額著霜痕啼蛄吊月鈎欄下屈膝銅鋪鍊  
阿甄夢入家門上沙渚天河落處長洲路願君  
光明如太陽放妾騎魚撒波去

秦宮詩

越羅衫袂迎春風玉刻麒麟腰帶紅樓頭曲宴  
仙人語帳底吹笙香霧濃人間酒煖春茫茫花  
枝入簾白日長飛窗複道傳籌飲十夜銅盤賦  
燭黃禿衿小袖調鸚鵡紫繡麻霞踏哮虎斫桂  
燒金待晚筵白鹿清酥夜半煮桐英永巷騎新  
馬內屋深屏生色畫開門爛用水衡錢卷起黃  
河向身瀉皇天厄運猶魯裂秦宮一生花裏活  
鸞篋奪得不還人醉睡氍毹滿堂月

巫山高

碧叢叢高插天大江翻瀾神曳烟楚魂尋夢風  
颺然曉風飛雨生苔錢瑤姬一去一千年丁香  
筇竹啼老猿古祠近月蟾桂寒椒花墜紅濕雲

梁臺古愁



梁王臺沼空中立，天河之水夜飛入。臺前闕玉作蛟龍，綠粉掃天愁露濕。撞鐘飲酒行射天，金虎蹙裘噴血斑。朝朝暮暮愁海翻，長繩繫日樂當年。芙蓉凝紅得秋色，蘭臉別春啼脉脉。蘆洲客雁報春來，寥落野渚秋漫白。

江樓曲

樓前流水江陵道，鯉魚風起芙蓉老。曉釵催髮語南風，袖帆歸來一日功。鼉吟浦口飛梅雨，竿頭酒旗換青苧。蕭騷浪白雲差池，黃粉油衫寄郎主。新槽酒聲苦無力，南湖一傾菱花白。眼前便有千里愁，小玉開屏見山色。

將進酒

琉璃鍾，琥珀濃，小槽酒滴真珠紅。烹龍炮鳳玉脂泣，羅屏繡幕圍香風。吹龍笛，擊鼉鼓，皓齒歌細腰舞。况是青春日將暮，桃花亂落如紅雨。勸君終日酩酊醉，酒不到劉伶墳上土。

美人梳頭歌

西施曉夢綃帳寒，香鬟墮髻半沉檀。輓轡吶



轉鳴玉驚起芙蓉睡新足雙鸞開鏡秋水光解  
鬟臨鏡立象牀一編香絲雲撒地玉釵落處無  
聲鳳纖手却盤老鴉色翠滑寶釵簪不得春風  
爛熳惱嬌慵十八鬟多無氣力妝成髮髮欹不  
斜雲裾數步踏蹤沙背人不語向何處下階自  
折櫻桃花

夢天

老兔寒蟾泣天色雲樓半開壁斜白玉輪軋露  
濕團光鸞佩相逢桂香陌黃塵清水三山下更

變千年如走馬遙望齊州九點煙一泓海水杯  
中瀉

河南府試十二月樂詞

只選十月止

東宮正月

上樓迎春新春歸暗黃著柳宮漏遲薄薄淡靄  
弄野姿寒綠幽風生短絲錦牀晚臥玉肌冷露  
臉未開對朝暝官街柳帶不堪折蚤晚菖蒲勝  
結結

二月



歷代詩選 唐本集  
飲酒採桑津宜男草生蘭笑人蒲如交劔風如  
薰勞勞鶯燕笑酣春薇帳逗煙生綠塵金翹峨  
髻愁暮雲杳颺起舞真珠裙津頭送別唱流水  
酒客背寒南山死

三月

東方風來滿眼春花城柳暗愁殺人複宮深凝  
竹風起新翠舞衿淨如水光風轉蕙百餘里暖  
霧驅雲撲天地軍裝宮妓掃蛾淺搖搖錦旗夾  
城暖曲水飄香去不歸梨花落盡成秋苑

四月

曉涼暮涼樹如蓋千山濃綠生雲外依微香雨  
青氛氳賦葉蟠花照曲門金塘閒水搖碧漪老  
景沉重無驚飛墮紅殘萼暗參差

九月

離宮散螢天似水竹黃池冷芙蓉死月綴金鋪  
光脉脉涼苑虛庭空澹白露花飛飛風草草翠  
錦爛斑滿層道雞人罷唱曉瓏璵鴟啼金井下  
疎桐



十月

玉壺銀箭稍難傾  
缸花夜笑凝幽明  
碎霜斜舞上羅幕  
燭龍兩行照飛閣  
珠帷怨臥不成眠  
金鳳刺衣著體寒  
長眉對月鬪鸞環

天上謠

天河夜轉漂迴星  
銀浦流雲學水聲  
玉宮桂樹花未落  
仙妾採香垂珮纓  
秦妃卷簾北窗曉  
宿前植桐青鳳小  
王子吹笙鶴管長  
呼龍耕煙種瑤草  
粉霞紅綬藕絲裙  
青洲步拾蘭苕春  
東指

羲和能走馬  
海塵新生石山下

王凝浩歌

南風吹山作平地  
帝遣天吳移海水  
王母桃花千遍紅  
彭祖巫咸幾迴死  
青毛驄馬參差錢  
嬌春楊柳含細煙  
箏人勸我金屈卮  
神血未凝身問誰  
不須浪飲丁都護  
世上英雄本無主  
買絲繡作平原君  
有酒惟澆趙州土  
漏催水咽玉蟾蜍  
衛娘髮薄不勝梳  
看見秋眉換新綠  
二十男兒那刺促



帝子歌

洞庭帝子一千里涼風雁啼天在水九節菖蒲  
 石上死湘神彈琴迎帝子山頭老桂吹古香雌  
 龍怨吟寒水光沙浦走馬白石郎閒取真珠擲  
 龍堂漣合珠璣野人憐赤金風風輕血未乾  
 下處洛妹真珠風吹散或或青手無思冬去如  
 真珠小娘下青郭洛苑香風飛綽綽寒髮斜釵  
 玉燕光高樓明月敲懸瑞蘭風桂露洒幽翠紅  
 絃裊雲咽深思花袍白馬不歸來濃蛾疊柳香

唇醉金鵝屏風蜀山夢鸞裾鳳帶行煙重八驄  
 籠晃臉差移日絲繁散曛羅洞市南曲陌無秋  
 涼楚腰衛髮四時芳玉喉窸窸排空光牽雲曳  
 雪留陸郎京京賦賦已盡如蠶小

李夫人

紫皇宮殿重重開夫人飛入瓊瑤臺綠香繡帳  
 何時欲青雲無光宮水咽翩聯桂花墮秋月孤  
 鸞驚啼商絲發紅壁闌珊懸珮璫歌臺小妓遙  
 相望玉蟾滴水雞人唱露華蘭葉參差光



金銅仙人辭漢歌

茂陵劉郎秋風客  
夜聞馬嘶曉無跡  
畫欄桂樹懸秋香  
三十六宮土花碧  
魏官牽車指千里  
東關酸風射眸子  
空將漢月出宮門  
憶君清淚如鉛水  
衰蘭送客咸陽道  
天若有情天亦老  
攜盤獨出月荒涼  
渭城已遠波聲小

老夫採玉歌

採玉採玉須水碧  
琢作步搖徒好色  
老夫飢寒龍爲愁  
藍溪水氣無清白  
夜雨岡頭食蓂子  
杜

鵲口血老夫淚  
藍溪之水厭生人  
身死千年恨溪水  
斜山栢風雨如嘯  
泉脚挂繩青裊裊  
村寒白屋念嬌嬰  
古臺石磴懸腸草

湖中曲

長眉越沙採蘭若  
桂葉水荇春漠漠  
橫船醉眠白晝閒  
渡口梅風歌扇薄  
燕釵玉股照青渠  
越王嬌郎小字書  
蜀紙封巾報雲鬢  
晚漏壺中水

淋盡

公莫舞歌

歷代詩選

唐李賀

卷五十八

十八

大



方花古礎排九楹刺豹淋血盛銀鬕華筵鼓吹  
無桐竹長刀直立割鳴箏橫檜籠錦生紅緯日  
炙錦媽王未醉腰下三看寶玦光項莊掉箭欄  
前起材官小臣公莫舞座上真人赤龍子芒碭  
雲瑞抱天迴咸陽王氣清如水

夜坐吟

踏踏馬蹄誰見過眼看北斗直天河西風羅幕  
生翠波鉛華笑妾顰青娥爲君起笑長相思簾  
外嚴霜皆側飛明皇爛爛東方睡紅霞稍出束

南涯陸郎去矣乘斑騅

江南弄

江中綠霧起涼波天上疊巘紅崖峨水風浦雲  
生老竹渚暝蒲帆如一幅鱸魚千頭酒百斛酒  
中倒臥南山綠吳歛越吟未終曲江上團團帖

神絃別曲

巫山小女隔雲別春風松花山上發綠蓋獨穿  
香徑歸白馬花竿前孑孑蜀江風澹水如羅墮



蘭誰泛相經過南山桂樹為君死雲衫淺汚紅  
脂花

溪晚涼

白狐向月號山風秋寒掃雲留碧空玉煙青濕  
白如幢銀灣曉轉流天東溪汀眠鷺夢征鴻輕  
連不語細游溶層岫廻岑複疊龍苦篁對客吟  
歌筒

官街鼓

曉聲隆隆催轉日暮聲隆隆呼月出漢城黃柳

映新簾栢陵飛燕埋香骨礎發千年日長白漢  
武秦王聽不得從君翠髮蘆花色獨共南山守  
中國幾回天上葬神仙漏聲相將無斷續

春懷引

芳溪密影成花洞柳結濃煙花帶重蟾蜍碾玉  
挂明弓捍撥裝金打仙鳳寶枕垂雲選春夢細  
合碧寒龍腦凍阿侯繫錦覓周郎憑仗東風好  
相送

有所思

去字有所思



歷代詩選 卷五十八  
去年陌上歌離曲今日君書遠遊蜀簾外花開  
二月風臺前淚滴千行竹琴心與妾腸此夜斷  
還續想君白馬懸雕弓世間何處無春風君心  
未肯鎮如石妾顏不久如花紅夜殘高碧橫長  
河河上無梁空白波西風未起悲龍梭年年織  
素攢雙蛾江山迢遞無休絕淚眼看燈乍明滅  
自從孤館深鎖窗桂花幾度圓還缺鴉鴉向曉  
鳴森木風過池塘響叢玉白日蕭條夢不成橋  
南更問仙人小燕雙不寄與燕十日尋日戴

上崑崙使者

崑崙使者無消息茂陵煙樹生愁色金盤玉露  
白淋漓元氣茫茫收不得麒麟背土石文裂虬  
龍鱗下紅肢折何處偏傷萬國心中天夜久高

明月

七夕

別浦今朝暗羅帷午夜愁鵲辭穿線月花入曝  
衣樓天上分金鏡人間望玉鈎錢塘蘇小小更  
值一年秋



過華清宮

春月夜啼鴉宮簾隔御花雲生朱絡暗石斷紫  
錢斜玉梳盛殘露銀燈點舊紗蜀王無近信泉  
上有芹芽

釣魚詩

秋水釣紅藥仙人待素書菱絲縈獨繭菰米蟄  
雙魚斜竹垂清沼長綸貫碧虛餌懸春蜥錫鉤  
墜小鱸蝓詹子情無限龍陽恨有餘為看煙浦  
上楚女淚沾裾

大代崔家送客

行蓋柳煙下馬蹄白翩翩恐隨送盡處何忍重  
揚鞭

京城

驅馬出門意牢落長安心兩事誰向道自作秋  
風吟

酬答二首

金魚公子夾衫長密裝腰鞞割玉方行處春風  
隨馬尾柳花偏打內家香



歷代詩選 卷五十八  
三  
雍州二月梅池春御水鳩鵲暖白蘋試問酒旗  
歌板地今朝誰是拘花人

南園

花枝草蔓眼中開小白長紅越女腮可憐日暮  
嬌香落嫁與春風不用媒兩事並向首自可  
邊讓人朝憶蔡邕無心裁曲臥春風舍南有竹  
堪書字老去溪頭作釣翁

三月過行宮

渠水紅繁擁御墻風嬌小葉學娥妝垂簾幾度

青春老堪鎖千年白日長

盧仝

號玉川子  
洛陽人

自君之出矣

自君之出矣壁上蜘蛛織近取見妾心夜夜無  
休息妾有雙玉環寄君表相憶環是妾之心玉  
是君之德馳情增悴容相思損精力玉簫寒悽  
悽延想心惻惻風含霜月明水泛碧天色此水  
有盡時此情無終極

月下寄徐希仁



夜半沙上行月瑩天心明沙月浩無際此中離  
思生上天何寥廓下地何崢嶸吾道豈已矣爲  
君傾兕觥

樓上女見曲

誰家女兒樓上頭指揮婢子掛簾鈎林花撩亂  
心之愁卷却羅袖彈箜篌箜篌歷亂五六絃羅  
袖掩面啼向天相思絃斷情不斷落花紛紛心  
欲穿心欲穿憑欄干相憶柳條綠相思錦帳寒  
直緣感君恩愛一迴顧使我雙淚長珊珊我有

媯曆待君笑我有嬌娥待君掃鶯花爛熳君不  
來及至君來花已老心腸寸斷誰得知玉階暮  
歷生青草

贈徐希仁石硯別

靈山一片不靈石手斲成器心所惜鳳鳥不至  
池不成蛟龍乾蟠水空滴青松火鍊翠煙凝寒  
竹風搖遠天碧今日贈君離別心此中至淺造  
化深用之可以過珪璧棄置還爲一片石

有所思



當時我醉美人家美人顏色嬌如花今日美人  
棄我去青樓珠箔天之涯娟娟姮娥月三五盈  
又缺翠眉蟬髮生別離一望不見心斷絕心斷  
絕幾千里夢中醉臥巫山雲覺來淚滴湘江水  
湘江兩畔花木深美人不見愁人心含愁更奏  
綠綺琴調高絃絕無知音美人兮美人不知爲  
暮雨兮爲朝雲相思一夜梅花發忽到窗前疑  
是君

將歸山招冰僧

買得一片田濟源花洞前千里石壁圻一泓流  
泌泉青松盤樛枝森森上插青冥天枝上有啼  
猿宿處近鶴巢清唳孤吟聲相交月輪下射空  
洞響絲篁成韻風蕭蕭我心塵外心愛此塵外  
物欲結塵外友苦無塵外骨與君塵外交占此  
松與月

自詠

物外無知己人間一癡王生涯身是夢耽樂酒  
爲鄉日月黏髭髮雲山鎖肺腸愚公只公是不



用謾驚張

送邵兵曹歸江南

春風楊柳陌連騎醉離觴千里遠山碧一行歸  
路長花開愁北渚雲去渡南湘東望濛濛處煙  
波是故鄉

感秋別怨

霜秋自斷魂楚調怨離分魄散瑤臺月心隨巫  
峽雲蛾眉誰共畫鳳曲不同聞莫似湘妃淚斑  
斑點翠裙

新蟬

泉溜潛幽咽琴鳴乍往還長風剪不斷還在樹  
枝間

守歲

老來經節臘樂事甚悠悠不及兒童日都盧豈  
解愁

題褚遂良孫庭竹

負霜停雪舊根枝龍笙鳳管君莫截春風一番  
琴上來搖碎金樽碧天月



喜逢鄭三遊山

相逢之處花茸茸石壁攢峰千萬重  
他日期君何處好寒流石上一株松

補遺

來尋殊尚早  
來尋殊尚早  
來尋殊尚早  
來尋殊尚早  
來尋殊尚早  
來尋殊尚早  
來尋殊尚早  
來尋殊尚早  
來尋殊尚早  
來尋殊尚早

支問

泉

流

石倉十二代詩選

唐卷之五十九

中唐

十八

明候官曹學在閱

賈島

字浪仙  
范陽人

古意

碌碌復碌碌百年雙轉轂志士終夜心  
良馬白日足俱為不等閒誰是知音目  
眼中兩行淚曾

吊三獻玉

望山

南山三十里不見踰一旬冒雨時立望  
望之如

歷代詩選

唐詩 卷五十九



朋親虬龍一掬波洗蕩千萬春日日雨不斷愁  
殺望山人

哭盧介

賢人無官死不親者亦悲空令古鬼哭更得新  
鄰比平生四十年惟著白布衣天子未辟召地  
府誰來追長安有交友託孤心遽移塚側誌石  
短文字行參差無錢買松栽自生蒿草枝在日  
贈我文淚流把讀時從茲加敬重深藏恐失遺

寄跡

別腸多鬱紆豈能肥肌膚始知相結密不及相  
結踈踈別恨應少密離恨難祛門前南流水中  
有比飛魚魚飛向北海可以寄遠書不惜寄遠  
書故人今在無

感秋

商氣颯已來歲華又虛擲朝雲藏竒峰暮雨灑  
踈滴幾蜩嘿涼葉數蛩思陰壁落日空館中歸  
心遠山碧昔人多秋感今人何異昔四序馳百  
年玄髮坐成白喧喧狗聲利擾擾同轍跡儻無



世上懷去偃松下石

辭二知己

一雙千歲鶴立別孤翔鴻波島忽已暮海雨寒  
濛濛離人聞美彈亦與哀彈同况兹切切弄繞  
彼行行躬雲飛北嶽碧火息西山紅何以代遠  
誠折芳臘雪中

易水懷古

荆卿重虛歿節烈書前史我嘆方寸心誰論一  
時事至今易水橋寒風兮蕭蕭易水流得盡翻

卿名不消

客喜

客喜非實喜客悲非實悲百迴信到家未當身  
一歸未歸長嗟愁嗟愁填中懷開口吐愁聲還  
却入耳來常恐滴淚多自損兩目輝髮邊雖有  
絲不堪織寒衣

延壽里精舍寓居

旅託避華館荒樓遂寓慵短庭無繁植珍果春  
亦濃側廬發扃樞織魄時臥逢耳目乃廊井肺



歷代詩選 卷五十九  
肝卽巖峰汲泉飲酌餘見我閒靜容霜蹊猶舒  
英寒蝶斷來踪雙履與誰逐一尋青瘦筇果

酬栖上人

夜久城館閒情幽出在山新月有微輝朗朗空  
庭間處世雖識機伊余多掩關松姿度臘見籬  
藥知春還靜覽冰雪詞厚爲酬贈顏東林有躑  
躑脫屣期共攀

冬月長安雨中見終南雪

秋節新已盡雨踈露山雪西峰稍覺明殘滴猶

未絕氣侵瀑布衣凍著白雲穴今朝灞澹雁何  
夕瀟湘月想彼石房人對雪扉不閉

和劉涵

京官始云滿野人依舊閒閉扉一畝居中有古  
風還市井日已午幽窗夢南山喬木覆北齋有  
鳥鳴其間前日遠嶽僧來時與開關新題驚我  
瘦窺鏡見醜顏陶情惜清澹此意復誰攀

寄劉栖楚

趨走與偃臥去就自殊分當窗一重樹上有萬



里雲離披不相顧  
髮髯類人羣  
友生去更遠  
來書絕如焚  
蟬吟我爲聽  
我歌蟬豈聞  
歲暮儻旋歸  
晤言桂氛氲

答王叅

寸晷不相待  
四時互如競  
客思先覺秋  
蟲聲苦知暝  
霜松積舊翠  
露月團如鏡  
詩負屬景同  
琴孤坐堂聽  
相期黃菊節  
別約紅桃徑  
每把式微篇  
臨風一長詠

劉景陽東齋

松陰連竹影  
中有無苔井  
清風此地多  
白日空自永  
景陽公幹孫  
詩句得真景  
勸我不須歸  
月出東齋靜

題皇甫荀藍田廳

任官經一年  
縣與玉峰連  
竹籠拾山果  
瓦瓶擔石泉  
客歸秋雨後  
印鎖暮鐘前  
久別丹陽浦  
時夢釣船

山中道士

頭髮梳千行  
休糧帶瘦容  
養雛成大鶴  
種子作



歷代詩選 唐賈島 五  
高松白石通宵煮寒泉盡日春不魯離隱處那  
得世人逢

哭柏巖禪師

苔覆石牀新師魯占幾春寫留行道影焚却坐  
禪身塔院關松雪經房鎖隙塵自嫌雙淚下不  
是解空人

出東就可松宿

十里尋幽寺寒流數派分僧同雪夜坐雁向草  
堂聞靜語終燈燭餘生許嶠雲山來多抱疾聲

不達明君

旅遊

此心非一事書札若爲傳舊國別多日故人無  
少年空集霜葉落踈牖水螢穿留得林僧宿中  
宵坐默然

送鄒明府遊靈武

魯宰西畿縣三年馬不肥債多平劔與官滿載  
書歸邊雪藏行徑林風透臥衣靈州聽曉角客  
館未開扉



下第

下第只空囊如何住帝鄉  
杏園啼百舌誰醉在花傍  
淚落故山遠病來春草長  
知音逢豈易孤棹負三湘

憶吳處士

半夜長安雨燈前越客吟  
孤舟行一月萬水與千岑  
島嶼夏雲起汀洲芳草深  
何當折松葉拂石剡溪陰

送崔定

未知遊子意何不避炎蒸  
幾日到漢水新蟬鳴杜陵  
秋江待得月夜語恨無僧  
巴峽吟過不連天十二層

雨後宿劉司馬池上

藍溪秋漱玉此地漲清澄  
蘆葦聲兼雨芰荷香遶燈  
岬頭秦古道亭面漢荒陵  
靜想泉根遠幽崖落幾層

送無可上人

圭峰霽色新送此草堂人  
麈尾同離寺蛩鳴暫



別親獨行潭底影數息樹邊身終有煙霞約天台作近鄰

送李騎曹

歸騎雙旌遠懽生此別中入關分磧路嘶馬背  
寒鴻朔色晴天北河源落日東賀蘭山頂草時  
動卷帆風

寄無可上人

僻寺多高樹涼天憶重遊磬過溝水盡月入草  
堂秋穴蟻苔痕靜藏蟬栢葉稠名山思徧往早

晚到嵩丘

南池

蕭條微雨絕荒岬抱清源入舫山連塞分泉稻  
接村秋聲依樹色月影在蒲根淹泊方難遂他  
宵關夢魂

寄龍池寺貞空二上人

受請終南住俱妨去石橋林中秋信絕峰頂夜  
禪遙寒草煙藏虎高松月暎鵬霜天期到寺寺  
置卽前朝



歷代詩選 唐賢集 八  
送貞空二上人

林下中餐後天涯欲去時  
衡陽過有伴夢澤出  
應遲石磬踈寒韻銅瓶結夜澌  
殷勤訝此別且未定歸期

吊孟協律

才行古人齊生前品位低  
葬時貧賣馬遠日哭  
惟妻孤塚北邙外空齋中嶽西  
集詩應萬首物象徧曾題

送人適越

高城滿夕陽何事欲霑裳  
遷客逢高暮遊人道  
路長晴湖勝鏡碧寒柳似金黃  
若有相思夢殷勤載八行

送僧遊衡嶽

心知衡嶽路不怕去人稀  
船裏猶鳴磬溪頭自曝衣  
有家從少別無寺不言歸  
料得逢寒任當禪雪滿扉

洛陽道中寄弟

趨走迫流季慚經此路偏密雲埋二室積雪度



三川生類梗萍泛悲無金石堅翻鴻有歸翼極  
目仰聯翩

送天台僧

遠夢歸華頂扁舟背岳陽寒蔬修淨食夜浪動  
禪牀雁過孤峰曉猿啼一樹霜身心無別念餘  
習在詩章

懷紫閣隱者

寂寥思隱者孤燭坐秋霖梨栗猿喜熟雲山僧  
說深寄書應不到結伴擬同尋廢寢方終夕迢

迢紫閣心

雨夜同厲玄懷皇甫荀

桐竹遶庭匝雨多風更吹還如舊山夜臥聽瀑  
泉時磧雁來期近秋鐘到夢遲溝西吟苦客中  
夕話兼思

題李凝幽居

閒居少鄰竝草徑入荒園鳥宿池邊樹僧敲月  
下門過橋分野色移石動雲根暫去還來此幽  
期不負言



寄董武

雖同一城裏少省得從容門掩園林僻日高巾  
幘慵孤鴻來半夜積雪在諸峰正憶毘陵客聲  
聲隔水鐘

僻居無可上人相訪

自從居此地少有事相關積雨荒鄰圃秋池照  
遠山硯中枯葉落枕上斷雲閒野客將禪子依  
依徧往還

送李餘及第歸蜀

知音伸久屈覲省去光輝津渡逢清夜途程盡  
翠微雲當綿竹疊鳥離錦江飛肯寄書來否原  
居出亦稀

夜喜賀蘭三兄訪

漏鐘仍夜淺時節欲秋分泉聒棲松鶴風除霧  
月雲踏苔行引興枕石臥論文卽此尋常靜來  
多祇是君

題青龍寺鏡公房

一夕曾留宿終南搖落時孤燈岡舍掩殘磬雪



歷代詩選 唐賢詩  
風吹樹老因寒折泉深出井遲踈慵豈有事多  
失上方期

原東居喜唐溫琪頻至

曲江春草生紫閣雪分明汲井甞泉味聽鐘問  
寺名墨研秋日雨茶試老僧鑄地近勞頻訪無  
煩出送迎

送馭法師

度歲不相見嚴冬始出關孤煙寒色樹高雪夕  
陽山瀑布寺應到牡丹房甚閒南朝遺跡在此

去幾時還

寄錢庶子

曲江春水滿北岬掩柴關祇有僧鄰舍全無物  
映山樹陰終日掃藥債隔年還猶記聽琴夜寒  
燈竹屋間

夏夜

原寺偏鄰近開門物景澄磬通多葉罅月離片  
雲稜寄宿山中鳥相尋海畔僧惟愁秋色至乍  
可在炎蒸



送厲宗上人

擁策背岷峨終南雨雪和  
漱泉秋鶴至禪樹夜猿過  
高頂白雲盡前山黃葉多  
曾吟廬嶽上月動九江波

贈無懷禪師

身從劫劫修果以此生周  
禪定石牀暖月移山樹秋  
捧盃觀宿飯敲磬過清流  
不掩玄關路教人問白頭  
早春題友人湖上新居

近得雲中路門長侵早開  
到時猶有雪行處已無苔  
勸酒客初醉留茶僧未來  
每逢晴暖日惟見乞花栽

送雍陶入蜀

江山事若諳那肯滯雲南  
草色分危磴杉陰近古潭  
日斜猿谷鳥夏淺嵩州蠶  
吾自疑雙鬢相逢更不堪

寄顧非熊

知君歸有處山水亦難齊  
猶去瀟湘遠不聞猿



原日漸低  
杭啼穴通茆嶺下潮滿石頭西獨立生遙思秋

憶江上吳處士

閩國揚帆去蟾蜍虧復圓秋風吹渭水落葉蒲  
長安此地聚會夕當時雷雨寒蘭橈殊未返消  
息海雲端

送朱兵曹廻越

星彩練中見澄江豈有泥潮生垂釣罷楚盡去  
檣西積鳥辭沙至山廳臨水啼會稽半侵海濤

白禹祠溪

宿池上

泉來從絕壑亭敞在中流竹密無空岬松長可  
絆舟蟬蛩潭上夜河漢島前秋異夕期深漲攜  
琴却此遊

喜姚郎中自杭州廻

路多楓樹林累日泊清陰來去泛流水條然適  
此心一披江上作三起月中吟東省期司諫雲  
門悔不尋



題長江

言心俱好靜  
解署落暉空  
歸吏封宵鑰  
行蛇入古桐  
長江頻雨後  
明月衆星中  
若任遷人去  
西溪與剡通

泥陽館

客愁何併起  
暮送故人回  
廢館秋螢出  
空城寒雨來  
夕陽飄白露  
樹影掃青苔  
獨坐離容慘  
孤燈照不開

送友人遊蜀

萬岑深積翠  
路向此中難  
欲暮多羈思  
因高莫遠看  
卓寥人寂寞  
揚子業凋殘  
惟有岷江水  
悠悠帶月寒

送僧歸天台

辭秦經越過  
歸寺海西峰  
石澗雙流水  
山門九里松  
曾聞清禁漏  
却聽赤城鐘  
妙宇研磨講  
應齊智者蹤

送譚遠上人

下視白雲時  
山房葢樹皮  
垂枝松落子  
側頂鶴



歷代詩選 唐詩  
聽棋清淨從沙劫中終未日歆金光明本行同  
待出峨嵋

夜集田卿宅

朗詠高齋下如將古調彈翻鴻向桂水來雪渡  
素乾滴滴玉漏曙條條松籟殘曩年曾宿此偏  
值五陵寒

贈弘泉上人

洗足下藍嶺古師精進同心知溪卉長居此玉  
林空西殿宵燈磬東林曙雨風舊峰鄰太白石

座雨苔濛

贈李金州

綺里祠前後山程踐白雲沂流隨大旆登岬見  
全軍曉角吹人夢秋風卷雁羣霧開方露日漢  
水底沙分

過楊道士居

先生修道處茆屋遠囂氛叩齒坐明月搢願望  
白雲精神含藥色衣服帶霞紋無話瀛洲路多  
年別少君



宿姚少府北齋

石溪同夜泛復此北齋期鳥絕吏歸後蛩鳴客  
臥時鍊城涼雨細開印曙鐘遲憶此漳川岬如  
今是別離

訓鄆縣李廓少府見寄

稍憐公事退復遇夕陽時北朔霜凝竹南山水  
入籬吟懷滄海侶空問白雲師恨不相從去心  
惟野鶴知

長孫霞李溟自紫閣白閣二峰見訪

寂寞吾廬貧同來二閣人所論惟野事招作住  
雲鄰古寺期秋宿平林散早春漱流今已矣巢  
許豈堯臣

重與曹彭兵曹

故人在城裏休寄海邊書漸去老不遠別來情  
豈踈硯冰催臘日山雀到貧居每有平戎計官  
家別勅書

哭宗密禪師

鳥道雪岑巔師亡誰去禪几塵增減後樹色改



歷代詩選 唐賈島  
生前層塔當松吹殘蹤傍野泉  
惟嗟聽經虎時到壞菴邊

宿山寺

衆岫聳寒色精廬向此分  
流星透疎木走月逆行雲  
絕頂人來少高松鶴不羣  
一僧年八十世事未曾聞

送友人如邊

去日重陽後前程菊正芳  
行車輾秋岳落葉墜寒霜  
雲入漢天白風高磧色黃  
蒲輪待恐晚求

薦向諸方

暮過山村

數里聞寒水山家少四鄰  
怪禽啼曠野落日恐行人  
初月未終夕邊烽不過秦  
蕭條素柘外煙火漸相親

蔣亭和蔡湘州

蔣宅爲亭榭蔡城東郭門  
潭連秦相井松老漢朝根  
已積蒼苔徧何曾舊逕存  
高齋無事後時復一攜樽



留別光州王使君建

杜陵千里外期在末秋歸既見林花落須防木  
葉飛楚從何地盡淮隔數峰微迴首餘霞失斜  
陽照客衣

哭張籍

精靈歸恍惚石磬韻曾聞卽日是前古誰人耕  
此墳舊遊孤枕遠故城九江分本欲蓬瀛去餐  
芝御白雲

寄宋州田中丞

古郡近南徐關河萬里餘相思深夜後未答去  
秋書自別知音少難忘識面初舊山期已久門  
掩數畦蔬

王侍御南原莊

買得足雲地新栽藥數窠峰頭盤松逕原下注  
雙河春寺閒眠久晴臺獨上麥南齋宿雨後仍  
許重來過

寄白閣默公

已知歸白閣山遠晚晴看石室人心靜冰潭月



歷代詩選  
影殘微雲分片滅古木落新乾後夜誰聞磬西  
峰絕頂寒

送朱可久歸越中

石頭城下泊北固暝鐘初汀鷺潮衝起船窗月  
過唐吳山侵越衆隋柳入唐初日欲供調膳辟  
來何府書

送覺興上人歸中條山兼謁河中李司空

又憶西巖寺秦原草長時山尋樵徑上人到雪  
房遲暮磬潭泉凍荒林野燒移聞師新譯偈說

擬對旌麾

采木哭孟郊

身死名聲在多應萬代傳寡妻無子息破宅帶  
林泉塚近登山道詩隨過海船故人相吊後斜  
日下寒天

送耿處士

一杯離別酒未盡卽言行萬水千山路孤舟幾  
月程川原秋色靜蘆葦晚風鳴迢遞不歸客人  
傳虛隱名



送唐懷歸激水莊

毛女峰當戶日高頭未梳地侵山影掃葉帶露  
痕書松逕僧尋藥沙泉鶴見魚一川風景好恨  
不有吾廬

原上秋居

關西又落木心事復何如歲月辭山久秋霖入  
夜多鳥從井上出人自岳陽過倚杖聊閒望田  
家未剪禾

子規

遊魂自相叫寧復記前身飛過鄰家月聲連野  
路春夢邊催曉急愁處送風頻自有露花血相  
和雨滴聲

哭胡遇

天壽知齊理何曾免嘆嗟祭迴收朔雪吊後折  
寒花野水吟秋斷空山影暮斜弟兄相識徧猶  
得到君家

送丹師歸閩中

波濤路杳然衰柳洛陽蟬行李經雷電禪衣漉



歷代詩選 唐賢集 卷五十九  
島泉歸林久別寺過越未離船自說從今去身  
應老海邊

送安南惟鑒法師

講經春殿裏花繞御牀飛南海幾迴過舊山臨  
老歸潮搖蠻草落日濕島松微空水旣如彼往  
來消息稀

新年

嗟以龍鍾身如何歲復新石門思隱久銅鏡強  
窺頻花發新移樹心知故國春誰能平此恨豈

是北宗人

寄山友長孫栖霞

此時氣蕭颯琴院可應關鶴似君無事風吹雨  
遍山松生青石上泉落白雲間有徑蓮嵩頂心  
期相與還

酬厲玄

我來從北鄙子省陟西陵白髮初相識秋山擬  
共登鄰居帝城雨會宿御溝冰未報見貽作耿  
然中夜興



歷代詩選 唐詩 送劉式洛中覲省

晴峰三十六待立上春臺同宿別離恨共看星  
月迴野鶯臨苑語河棹歷江來便寄相思札緘  
封花下開

送宣皎上人遊太白

剽髮鬢無雪去年三十三山過春草寺磬度落  
花潭得句才憐約論宗意在南峰靈疑懶下蒼  
翠太虛叅

秋夜仰懷錢孟二人琴客會

月色四時好秋光吾子知南山昨夜雨爲我寫  
清姿獨鶴聳寒骨高杉韻細颺仙家縹緲弄髣  
髴此中期

病蟬

病蟬飛不得向我掌中行折翼猶能薄酸吟尚  
極清露華凝在腹塵點誤侵睛寄語螿螂輩俱  
忘此日情

送友人遊塞

飄蓬多塞下君見亦潸然迥磧沙街日長河水



歷代詩選 唐賢詩  
接天夜泉行客火曉戍向京煙少結相思恨在  
期芳草前

思遊邊友人

凝愁對孤燭昨日飲離杯葉下故人去天邊新  
雁來連沙秋草薄帶雪暮山開苑北紅塵道何  
時見遠廻

秋暮寄友人

寥落河關暮霜風樹葉低遠天垂地外寒日下  
峰西失志煙霞切還家歲月迷清宵話白閣已

負十年棲

雪晴晚望

倚杖望晴雪溪雲幾萬重樵人歸白屋寒日下  
危峰野火燒岡草斷煙生石松却廻山寺路聞  
打暮天鐘

送惟一遊清涼寺

去有巡臺侶荒溪衆樹分瓶殘秦地水錫入晉  
山雲秋月離喧見寒泉出定聞人間臨欲別旬  
日雨紛紛



皇甫王簿期遊山不赴

休官疋馬在新意入山中更住應難遂前期恨  
不同集蟬苔樹僻留客雨堂空深夜誰相訪惟  
當清淨翁

宿慈恩寺郁公房

病身來寄宿自掃一牀閒反照臨江磬新秋過  
雨山竹陰移冷月荷氣帶禪關獨在天台意方  
從內請還

送褚山人歸日東

懸帆待秋色去入杳冥關滄海幾年別中華此  
日還岬遙生白髮波盡露青山隔水相思在無  
書也是閒

夜雨寄馬戴

芳林杏花樹花落子西東今夕曲江雨寒催朔  
北風鄉書滄海絕隱路翠微通寂寂相思際孤  
缸殘漏中

寄毗陵徹公

身依吳寺老黃葉幾迴看早講林霜在孤禪隙



歷代詩選 卷五十九  
月殘井通潮浪遠鐘與角聲寒已有南遊約誰  
言禮謁難

送韋瓊校書

賓佐兼歸覲此行江漢心別離從闕下道路向  
山陰孤嶼消寒沫空城滴夜霖若耶溪畔寺秋  
色共誰尋

宿孤館

落日投村戍愁生爲客途春山晴後綠江月夜  
來孤橘樹千株在漁家一半無自知風水靜舟

繫岬邊蘆

咸京北原作

登原見城闕策蹇思炎天日午路中客槐花風  
處蟬遠山秦木上清渭漢陵前何事居人世皆  
因名利牽

光州王建使君水亭

楚水臨軒積澄鮮一畝餘柳根連岬盡荷葉出  
萍初極浦清相似禽幽到不虛夕陽亭際晚槐  
雨滴稀疎



靈準上人院

掩扉當太白臘數等松椿禁漏來遙夜山泉落  
近鄰經聲終卷曉草色幾芽春海內知名士交  
遊準上人

寄宋州田中丞

古郡近南徐關河萬里餘相思深夜後未答去  
秋書自別知音少難忘識面初舊山期已久門  
掩數畦蔬

夜集姚合宅期可公不至

公堂秋雨夜已是念園林何意別離日重論山  
水心孤燈明臘後微雪下更深釋子垂來約泉  
西寒磬音

寄賀蘭朋吉

往往東林下花香似火焚故園從少別夜雨近  
秋開野菜連寒水枯株簇古墳泛舟同遠客尋  
寺入幽雲暇日扉多掩荒田徑細分相思蟬幾  
處偶坐蝶成羣會宿曾論道登高省議文苦吟  
遙可想邊葉向紛紛



黃子陂上韓吏部

石樓云一別二十二三春相逐升堂者幾為埋  
骨人涕流聞渡瘴病起喜還秦曾是令勤道非  
惟郵在迹踈衣蕉縷細爽味茗芽新鐘絕滴殘  
雨螢多無近鄰溪潭承到數位秩見辭頻若箇  
山招隱幾忘任此身

送韓湘

桂席從中路長風起廣津楚城花未發上苑蝶  
來新半沒湖波月初生芳草春孤霞臨石鏡極

浦映村神細響吟乾葦餘馨動遠蘋欲憑將一  
札寄與沃州人

寄武功姚主簿

居枕江沱北情懸渭曲西數宵曾夢見幾處得  
書批驛路穿荒坂公田帶淤泥靜棋功奧妙閒  
作韻清淒鋤草留叢藥尋山上石梯客迴河水  
漲風起夕陽低空第苔連井孤村火隔溪卷簾  
黃葉落鎖印子規啼隴色澄秋月邊聲入戰鼙  
會須過縣去况是屢招攜



歷代詩選 唐賢集  
題劔華書齋

白石牀無塵青松栝有鱗一鶯啼帶雨兩樹合  
從春荒榭苔膠砌幽叢果墮榛偶來踈或數當  
暑夕勝晨露滴新河水巢重古木薪終南同往  
意趙北獨遊身渡葉司天漏驚蛩遠地人機清  
公幹族也莫臥漳濱

別徐明府

抱琴非木意生事偶相縈口尚袁安節身無子  
賤名地寒春雪盛山淺夕嵐輕百戰餘荒埜千  
夫漸偶耕一盃傾此夜孤客戀交情

再投李益常侍

何處初投刺當時赴尹京淹留花木變然諾肺  
腸傾避暑蟬移樹登高雁過城人家嵩嶽色公  
府洛河聲聯句逢秋盡嘗茶見月生新衣裁白  
紵思從曲江行

送南卓歸宗

殘春別鏡陂罷郡未霜髭行李逢炎暑山泉滿  
路岐雲藏巢鶴樹風觸轉鶯枝三省同虛位雙



旌帶去思入城宵夢後待漏月沉時長策并中  
告從容寫玉墀

送羅小府歸牛渚

作尉長安始三日忽思牛渚夢天台楚山遠色  
獨歸去灞水空流相送回霜覆鶴身松子落月  
分螢影石房開白雲多處應與到寒澗泠泠漱  
古苔

賀龐少尹除大常少卿

太白山前終日見  
旬假滿擬秋尋巾峰絕頂

非無路北闕除書阻入林朝謁此時閒野展宿  
齋何處止鳴砧省中石磴陪隨步惟賞煙霞不  
厭深

上邠寧邢司徒

箭頭破帖渾無敵杖底敲毬遠有聲馬走千蹄  
朝萬乘地分三郡擁雙旌春風欲盡山花發曉  
角初吹客夢驚不是邢公來鎮此長安西北未  
能行

田將軍書院



滿庭花木半新栽石上平湖遠岬來  
筍迸鄰家還長竹地經山雨幾層苔  
井當深夜泉微上閣入高秋戶盡開  
行背曲江誰到此琴書鎖着未朝廻

寄韓潮州愈

此心曾與木蘭舟直到天南潮水頭  
隔嶺夢魂來華岳出關書信過瀧流  
峰懸驛路殘雲斷海浸城根老樹秋  
一夕瘴煙風卷盡月初上浪西樓

酬張籍王建

踈林荒宅古坡前久住還因太守憐  
漸老更思深隱處多閒數得上方眠  
鼠拋貧屋收田日雁度寒江擬雪天  
身是龍鍾應有分水曹芸閣枉來篇

投龐少尹

閉戶息機搔白首中庭一樹有清陰  
年年不改風塵趣日日轉多泉石心  
病起望山臺上立覺來聽雨燭前吟  
龐公相識元和歲春分依依



至今

送饒州張使君

終南雲雨連城闕去路西江白浪頭  
滁上郡齋離昨日鄱陽農事勸  
今秋道心生向前朝寺文思來過  
靜夜樓借問泊帆于謁者誰人曾  
聽峽後愁

送劉侍御重使江西

當時苦熱遠行人石壁飛泉濺馬身  
人到鐘陵知霧大槎浮湓浦屬秋  
新早程猿叫雲深極宿

館禽驚葉動頻前者已聞廉使薦兼言有畫靜  
邊塵

早秋寄題天竺靈隱寺

峰前峰後寺新秋絕頂高窗見沃州人在定中  
聞蟋蟀鶴從棲處挂彌猿山鐘夜渡空江水江  
月寒生古石樓心憶懸帆身未遂謝公茲地昔  
年遊

題虢州三堂吳郎中

無窮草樹昔誰栽新起臨湖白石臺  
半岬泥沙



歷代詩選 唐賈島  
孤鶴立三堂風雨四門開荷翻圓露驚秋近柳  
轉斜陽過水來昨夜北樓堪朗詠號城初鎖月  
徘徊

送周判官元範赴越

原下相逢便別離蟬鳴關路使迴時過淮漸有  
懸帆興到越應將墜葉期城上秋山生菊早驛  
西寒渡落潮遲已曾幾徧隨旌旆去謁荒郊大  
禹祠

劍客

十年磨一劍霜刃未曾試今日把似君誰爲不  
平事

石號

中夜忽自起汲此百尺泉林木含白露星斗在  
青天

宿懸泉驛

曉行瀝水樓暮到懸泉驛林月值雲遮山燈照  
愁寂

送別



丈夫未得意行行且低眉素琴彈復彈會有知音知

上谷送客遊江湖  
莫嘆迢遞分何殊咫尺別江樓到夜燈還見南臺月

對菊  
九日不出門十日見黃菊灼灼尚繁英美人無消息

寄令狐相公

策杖馳山驛逢人問梓州長江那可到行客更生愁

昆明池泛舟

一枝青竹榜泛泛綠萍裏不見釣魚人漸入秋塘水

夜坐

蟋蟀漸多秋不淺蟾蜍已沒夜應深三更兩鬢幾枝雪一念雙峰四祖心

夏夜上谷宿開元寺



詩成一夜月中題便臥松風到曙雞帶月時聞  
山鳥語郡城知近武陵溪

友人婚楊氏催妝

不知今夕是何夕催促陽臺近鏡臺誰道芙蓉  
水中種青銅鏡裏一枝開

和韓吏部泛南溪

溪裏晚從池岬出石泉秋急夜深聞木蘭船共  
山人語月映渡頭零落雲

酬姚合

黍穗豆苗侵古道晴原午後早秋時故人相憶  
僧來說楊柳無風蟬滿枝

送靈應上人

遍叅尊宿遊方久名嶽奇峰問此公五月半間  
看瀑布青城山裏白雲中

木池渡桑乾

客舍并州也十霜歸心日夜憶咸陽無端更渡  
桑乾水却望并州是故鄉

夜期嘯客不至



逸人期宿石牀中  
遣我開扉對晚空  
不知何處  
嘯秋月閒閉松門  
一夜風

夏夜登南樓

水岬寒樓帶月躋  
夏林初見岳陽溪  
一點新螢  
報秋信不知何處是菩提

題青龍寺

碣石山人出岫詩  
終南山北數人知  
疑看青龍  
寺裏月待無一點  
夜雲時

三月晦日贈劉評事  
外早林報故人  
卧意

三月正當三十日  
風光別我苦吟身  
共君今夜  
不須睡未到曉鐘  
猶是春

送張道者

新歲抱琴何處去  
洛陽三十六峰西  
生來未識  
山人面不得一聽  
烏夜啼

宿村家亭子

牀頭枕是溪中石  
井底泉通竹下池  
宿客未眠  
過夜半獨聞山雨  
到來時

送稱上人



歸蜀擬從巫峽過何時得入舊房禪寺中來後  
誰身化起塔栽松向野田

經蘇秦墓

沙埋古篆折碑文六國興亡事計君今日淒涼  
無處說亂山秋盡有寒雲

題隱者居

雖有柴門長不關片雲枯木伴身閒猶嫌住久  
人知處早擬移家更上山

鹽池院觀鹿

條峰五老勢相連此鹿來從若箇邊別有野麋  
人不見一生長飲白雲泉

送僧

池上時時松雪落焚香煙起見孤燈靜夜憶誰  
來對坐曲江南岬寺中僧

過京索先生墳

京索先生三尺墳秋風漠漠吐寒雲從來有限  
君多哭今日何人更哭君

尋石甕寺上方



野寺入時春雪後崎嶇得到此房前老僧不出  
迎朝客已住上方三十年

送別

門外便伸千里別無車不得到河梁高樓直上  
百餘尺今日為君南望長

沈亞之

字下賢  
吳興人

村居

無樹巢宿鳥無酒共客醉月上蟬韻殘梧桐陰  
繞地獨出村舍門吟劇微風起蕭蕭蘆荻叢叶

嘯如山鬼應緣我憔悴為我哭秋思

虎丘山真娘墓

金釵淪劍壑茲地似花臺油壁何人值錢塘度  
曲哀翠餘長染柳香重欲薰梅但道行雲去應  
隨蝶夢來

荅殷克藩贈罷涇原記室

勞君輟雅話聽說事疆場捉筆從征虜飛書始  
伏羌河流辭馬嶺節臥聽龍驤孤負平生劍空  
令射斗光



別龐子肅

自爲應仙才丹砂幾鍊迴山秋夢桂樹月曉憶  
瑤臺雨雪依岩別煙雲逐步開今朝龍仗去早  
晚鶴書來

宿白馬津寄寇立

客騎聽蛩嗟秋懷似亂砂劍頭懸日影龜鼻落  
燈花天外歸鴻斷漳南別路賒聞君同旅舍幾  
得夢還家

送文穎上人遊天竺

露花浮翠尾鮮想起芳叢此際斷客夢况復別  
志公旣歷天台去言過赤城東莫說人間事崎  
嶇塵土中

宿後自華陽行次昭應寄王直方

重歸能幾日物意早知春暖色鮮驪岫寒聲別  
雁羣川光如戲劔帆態似翔雲爲報東園蝶南  
枝日已曛

曲江亭望慈恩杏花發

曲江亭望慈恩杏花發  
曲臺晴好望近接梵王家十畝開金地千株發



杏花帶雲猶誤雪映日欲欺霞紫陌傳香遠紅  
泉落影斜園中春尚早亭上路非賒芳景偏堪  
賞其餘積歲華

五月六日發石頭城步望前船示舍弟兼  
寄侯郎

客子去淮陽逶迤別路長水關開夜鍊霧棹起  
晨涼煙月期同賞風波忽異行隱山曾撼櫓轉  
瀨指遙檣蒲葉并刀綠筠筒楚粽香因書報司  
遠爲我憶檀郎

春色蒲皇州

何處春輝好偏宜在雍州花明夾城道柳暗曲  
江頭風軟遊絲重光融瑞氣浮鬪雞怜短草乳  
燕傍高樓繡鞞盈香陌新泉溢御溝迴看日欲  
暮還騎似川流

汴州船行賦畔旁所見張秀才

古木晚蒼蒼秋林拂岬香露珠蟲網細金縷兔  
絲長秋浪時迴沫驚鱗乍觸航蓬煙拈綠線棘  
實綴紅囊亂穗搖鼯鼠相根掛鳳腸聊持一濯



足誰道比滄浪

西蕃請謁廟

肅肅層城裏巍巍祖廟清聖恩覃布濩異域獻  
精神冠蓋分行列戎夷辨姓名禮終齊百拜心  
縈表忠貞瑞氣千重色簫韶九奏聲仗移迎日  
轉旌動逐風輕休運威儀正年推俎豆盈不才  
慚聖澤空此望華纓

勤政樓下觀百官獻壽

御氣黃花節臨軒紫陌頭早暘生綵仗霽色入

仙樓獻壽皆鵷鷺瞻天在冕旒菊樽開九日鳳  
曆起千秋樂奏祥煙起盃醕瑞影收年年歌舞  
夕此地慶皇休

黃山出雲

片雲朝出岫孤色迥難親蓋小辭山早根輕觸  
石新飄揚經綠野明麗照青春柳樹疑舒葉臨  
江似結鱗從龍方有感捧日豈無因看助爲霖  
去恩沾雨露均榮王臨前紫日蒸雲紫雨霽

題梅榴樹呈八叔大人



曾在蓬壺伴衆仙文章枝葉五雲邊幾時奉宴  
瑤臺下何日移榮玉砌前染日裁霞深雨露凌  
寒送暖占風煙應笑強如河畔柳逢波逐浪送  
張騫

春詞酬元微之

黃鳥啼時春日高紅芳發盡井邊桃美人手煖  
裁衣易片片輕花落剪刀

題候仙亭

新剏仙亭覆石壇雕梁峻宇入雲端嶺北嘯猿

高枕聽湖南山色捲簾看

送龐子肅

三年遊宦也迷津馬困長安九陌塵都作無成  
不歸去古來妻嫂笑蘇秦

石倉十二代詩選

唐卷之五十九

終



石倉十二代詩選

石倉十二代詩選 唐卷之六十五

中唐 十九 明候官曹學佺閣

李德裕 字文饒 贊皇人 餘亦不詳 莫與喬木榮

夏晚有懷平泉林居 烈澤絲絲

孟夏守畏途捨舟在徂暑愀然何所念念我龍

門塢密竹無蹊徑高松有四五飛泉鳴樹間颯

颯如度雨茵桂秀層嶺芳蓀媚幽渚稚子候我

歸衡門獨延佇誰言聖與哲曾是不懷土公旦

既思周宣尼亦念魯矧余竄炎裔日夕誰晤語



春闕悲子牟班荆感椒舉悽悽視環玦惻惻步  
庭蕪豈待莊舄吟方知倦羈旅

早秋龍興寺江亭閒眺憶龍門山居崔張

舊從事

江亭感秋至蘭徑悲露泫秔稻秀晚川杉松鬱  
晴嘯嗟予負林壑茲夕念原衍綠篠連巔多青  
莎近溪淺淵明菊猶在仲蔚蒿莫剪喬木粲凌  
苕陰岩積幽蘚遙思伊川水北度龍門峴蒼翠  
雙闕間逶迤清灘轉故人在鄉國歲晏路悠緬

惆悵此生涯無由共登踐

比聞龍門敬善寺有紅桂樹獨秀伊川嘗  
於山南諸山訪之莫致陳侍御知予所  
好因訪剡溪樵客偶得數株移植郊園  
衆芳色沮乃知敬善所有是蜀道茵草  
徒得嘉名因賦是詩兼贈陳侍御

昔聞紅桂枝獨秀龍門側越叟遺數株周人未  
嘗識平生愛此樹攀翫無由得君子知我心因  
之爲羽翼豈煩嘉客譽且就清陰息來自天姥



歷代詩選 卷六十一  
二  
岑長凝翠嵐色芬芳世所絕偃蹇枝漸直瓊葉  
潤不凋珠英粲如緜猶疑翡翠宿想待鷓鴣食  
寧止暫淹留終當更封植

清明後憶山中

遙思寒食後野老林下醉月照一山明風吹百  
花氣飛泉與萬籟鬢疑簫吹不待曙華分已  
應喧鳥至

題寄商山石

綺皓巖中石嘗經臥隱淪紫芝歌幾曲紅蘚闕

千春聊用支琴尾寧惟倚病身自知來處所何  
暇問嚴遵

替思鄉園老人

嘗羨簞門翁所思惟歲稔遙知松月曙尚在山  
窗寢蘭氣入幽簾禽言傍孤枕晨興步巖逕更  
酌寒泉飲

寄龍門僧

龍門有開士愛我春潭碧清景出東山閒來翫  
松石應憐林壑主遠作滄溟客爲我謝幽僧終



當理歸策

張公超谷中石

鼓篋依綠槐橫經起秋霧有時蓮岳客尚辯絃

歌處自予去幽石誰人襲芳杜空留古苔石對

我岩中樹

潭上喜見新月

簪組十年夢園廬今夕情誰憐故鄉月復映碧

潭生皓彩松上見寒光波際輕還將孤賞意暫

寄玉琴聲

潭上紫藤

故鄉春欲盡一歲芳難再巖樹已青葱吾廬日

堪愛幽溪人未去芳草行應礙遙憶紫藤垂繁

英照潭黛

雙碧潭

清剡與嚴湍潺湲皆可憶適來玩山水無此秋

潭色莫辨幽蘭叢難分翠禽翼遲遲洲渚步臨

眺忘殮食

二猿



歷代詩選  
卷六十一  
四  
釣瀨水連漪富春山合杳松上夜猿鳴谷中清  
響合衝網忽見見羈故山從此辭無由碧潭飲爭  
接綠蘿枝

晨起見雪隱山居

忽憶巖中雪誰人拂薜蘿竹稍低未舉松蓋偃  
應多山溜隨冰落林麝帶霰過不勞聞鶴語方  
奏苦寒歌

憶寒梅

寒塘數樹梅常近  
前開雪映綠巖竹香侵汎

水苔遙思清景暮還有野禽來誰是扳枝客茲  
辰醉始廻

憶茗芽

谷中春日暖漸憶掇茶英欲及清明火能銷醉  
客醒松花飄鼎泛蘭氣入甌輕飲罷閒無事捫  
蘿谿上行

憶晚眺

伊川新雨霽原上見春山縵巖晴虹斷龍門宿  
鳥還牛羊平野外桑柘夕煙間不及鄉園叟悠



悠盡日閒

追和太師顏公同清遠道士遊虎丘寺

茂苑有靈峰嗟余未遊觀  
 藏山半平陸壞谷爲高岬  
 岡繞數仞墻巖潛千丈幹  
 乃知造化意回幹資奇玩  
 鏐騰昔虎踞劔沒嘗龍渙  
 潭黛入海底崆峒聳霄半  
 層巒未升日哀猶寧知且  
 綠篠夏凝陰碧林秋不換  
 冥搜既窈窕回望何蕭散  
 川晴嵐氣收江春雜英亂  
 逸人綴青藻前哲留篇翰  
 共扣哀玉音皆舒文繡段  
 難追彥回賞徒

起興公嘆一夕如再升含毫星斗燦

昔人東郡懷王京兆

河水昔將決衝波溢川溇  
 崢嶸金堤下噴薄風雷音  
 投馬災未弭爲魚嘆方深  
 惟公執珪璧誓與身俱沉  
 誠信不虛發神明宜爾臨  
 湍流自此回咫尺焉能侵  
 逮我守東郡悽然懷所欽  
 雖非識君面自謂知君心  
 意氣苟相合神明無古今  
 登城見遺廟日夕空悲吟

懷陽給事



歷代詩選 唐李德裕  
宋氏遠家左豺狼滿中州陽君守滑臺終古垂  
英猷數仞城旣毀萬夫心莫留跳身入飛鏃免  
胄臨霜矛軍命在旗下僵尸橫道周義風激河  
汴壯氣淪山丘嗟爾抱忠烈古來誰與儔就烹  
感漢使握節悲陽秋顏子綴清藻鏗然如素瓊  
徘徊望故壘尚想精魂遊

秋日登郡樓望贊皇山感而成詠  
昔人懷井邑爲有掛冠時顧我飄蓬者長隨泛  
梗移越吟因病感潘鬢入秋悲北指邯鄲道應

無歸去期

非秋 秋日美晴郡樓閒眺寄荆南張書記

高檻涼風起清川旭景開秋聲向野去爽氣自  
山來霄外鴻初返簷間燕已歸不因煙雨夕何  
處夢陽臺

故人寄茶

劔外九華英絨題下玉京開時微月上碾處亂  
泉聲半夜邀僧至孤吟對竹烹碧流霞脚碎香  
泛乳花輕六腑睡神去數朝詩思清其餘不敢



費留伴讀書行

早入中書行公主册禮事畢登集賢閣成

詠

明星入東陌燦燦光層宙皎月映高梧輕風發  
涼候金門列葆吹鍾室傳清漏簡册自中來貂  
黃添宣授更登天祿閣極眺終南岫遙羨商山  
翁閒歌紫芝秀晨興念貽辱夕惕思致寇傾奪  
非我心悽然感田竇

南梁行

江城鬱鬱春草長悠悠漢水浮清光雜英飛盡  
空和景綠楊陰重官舍靜此時醉客縱橫書公  
言可薦承明廬青天詔下寵光至頌籍金閨徵  
石渠重歸山路煙嵐隔巫山未深晚花折澗底  
紅光奪目燃搖風有毒愁行客杜鵑啼咽花亦  
殷聲悲絕艷連空山斜陽瞥映淺深樹雲雨翻  
迷崖谷間山雞錦質矜毛羽透竹穿蘿命儔侶  
喬木幽谷上下同雄雌不異飛棲處望泰峰迥  
過商顏浪疊雲堆萬簇山行盡杳冥青嶂外九



歷代詩選  
重鐘漏紫雲間元和列侍明光殿諫草初焚市  
朝變北闕趨臣半陳塵南梁笑客皆飛霰追思  
感歎却昏迷霜髮愁吟到曉雞故園歲深開斷  
簡秋堂月曉掩遺桂嗚嗚曉角霞輝粲撫劔當  
楹一長嘆芻狗無由學聖賢空持感激終昏旦  
思歸赤松子村呈松陽子  
昔人思避世惟恐不深幽禽慶潛名岳鷗夷漾  
釣舟顧予知止足所志在歸休不似尋山者忘  
家恣遠遊

近臘對雪有懷林宮

蓬門常晝掩竹逕寂無人鳥起飄松霰麝行動  
谷榛應狎禽魚侶長與薜蘿親遙憶平臯望溪  
煙已發春

初夏有懷山居

山中有所憶夏景始清幽野竹陰無日巖泉冷  
似秋翠岑當累謝皓月入輕舟只有思歸夕空  
簾且夢游

山居遇雪喜道者相訪



幽居近谷西喬木與山齊野竹連池合巖松映  
雪低喜君來白社值我在青谿應笑於陵子遺  
榮自灌畦

洛中士君子多以平泉見呼愧獲方外之  
名因以此詩爲報奉寄劉賓客

非高柳下逸自愛竹林閒才異居東里愚因在  
北山徑荒寒未掃門設晝長關不及鷓鴣子悠  
悠煙水間

早春至言禪公法堂憶平泉別業

昔我伊原上孤遊竹樹間人依紅桂靜鳥傍碧  
潭閒松蓋低春雪藤輪倚暮山永懷桑梓邑衰  
老若爲還

山亭月夜獨宿對櫻桃花有懷伊川別  
墅

皎月照芳樹鮮葩含素輝愁人惜春夜達曙想  
巖扉風靜陰當砌露濃香入衣恨無金谷妓爲  
我奏思歸

春暮思平泉雜咏



遠村寒食後細雨度川來芳草連谿合梨花映  
墅開槿籬懸落照松逕長新苔向夕亭臯望遊  
禽幾處回

書樓晴望

幽人居世外久厭市朝喧蒼翠連雙闕微茫認  
九原殘虹映鞏樹斜日照轘轅薄暮柴扉掩誰  
知仲蔚園

瀑泉亭

向老多悲恨悽然念一丘巖泉終古在風月幾

奉遊茵閣饒佳樹菱潭有釣舟不知羊叔子名  
與峴山留

東谿

近蓄東谿水悠悠起淥波綵鴛留不去芳草日  
應多夾岸生奇篠綠巖覆女蘿蘭橈思無恨為  
感濯纓歌

西園

西園最多趣永日自忘歸石瀨流清淺峰岑澹  
翠微曉翻紅藥艷晴寫碧潭輝獨望娟娟月宵



分未掩扉

竹徑

野竹自成徑繞溪三里餘檀欒被層阜蕭瑟蔭  
清渠日落見林靜風行知谷虛田家故人少誰  
肯共焚魚

花樂欄

蕙草春已碧蘭花秋更紅四時發英豔三徑滿  
芳叢秀色濯清露鮮輝搖惠風王孫未知返幽  
賞意誰同

釣臺

我有嚴湍思懷人訪故臺客星依釣隱仙石逐  
槎回倒影合清沚凝陰長碧苔飛泉信可挹幽  
客未歸來

鹿石

林中有奇石髣髴獸潛行乍似依巖柱還疑食  
野葦葺長綠鮮映斑細紫苔生不是見羈者何  
勞如頓纓

白鷺鷥



余心憐白鷺潭上日相依拂石疑星落凌風似  
雪飛碧沙嘗獨立清景自忘歸所樂惟煙水徘徊  
戀釣磯

奉和太原節度使張公弘靖山亭書懷

岩石在朱戶風泉當翠樓始知峴亭賞難與清  
暉留餘景淡將夕凝風輕欲收東山有歸志方  
接赤松遊

招隱山觀玉藥樹戲書卽事奉寄江西沈

大夫閣老

玉藥天中樹金閨昔共窺落英開舞雪密葉乍  
低帷舊賞煙霄遠前歡歲月移今來想顏色還  
似憶瓊枝

寄題惠林李侍郎舊館

棟宇非吾室煙山是我鄰百齡惟待盡一世樂  
長貧半壁懸秋日空林滿夕塵祗應雙鶴弔松  
筠更無人

寄茅山孫鍊師

何地最翛然華陽第八天松風清有露蘿月淨



歷代詩選 唐五律 三  
無煙乍警瑤壇鶴時嘶玉樹蟬欲馳千里戀惟  
有鳳門泉

漢州月夕遊房太尉西湖

丞相鳴琴地何年閉玉徽偶因明月夕重敞故  
樓扉桃柳溪空在芙蓉客暫依誰憐濟川楫長  
與夜舟歸

重題

晚日臨寒渚微風發櫂謳鳳池波自闊魚水運  
難留亭古思宏棟川長夜憶舟想公高世意祇

似泊城遊

近於伊州山居將命者畫圖而至欣然

至蘭亭志感聊賦此詩兼寄上浙東元相公大

來池使求青田胎化鶴且無絲幽谷八未

弱歲弄詞翰遂叨明主恩懷章過越邸建旆守

吳門西地陰難駐東臯意尚存慙逾六百石愧

負五千言寄世知嬰繳辭榮類觸藩欲追綿上

隱况近子平村邑有桐鄉愛山餘黍谷暄兔非

迹相地乃是故侯園野竹多微徑岩泉豈一源



映池方樹密傍澗古藤繁  
叩枝堪扶老義牛已  
服轅只應將唳鶴幽谷共翩翩  
正思在山居日偶成此詠邀松陽子同作  
閒思昔歲事忽忽念伊川乘月步秋坂蒲山聞  
石泉回塘碧潭映高樹綠蘿懸露下叫田鶴風  
來嘶晚蟬懷茲長在夢歸去且無緣幽谷人未  
至蘭苕應更鮮

奉和韋侍御陪相公遊開義五言六韻

羊公追勝槩茲地暫逍遙風景同南峴丹青見

北朝石渠清夏氣高樹激鮮飈念法珍禽集聞  
經醉象調偶分井露味偏覺衆香饒爲問毗城  
內餘薰幾日銷

清冷池懷古

區園三百里常聞駟馬來旌旗朝角道簫鼓燕  
辛臺追昔賦文雅從容遊上才竹園秋水淨風  
苑雪煙開牛禍釁將發羊孫謀始回袁絲徒仗  
劔長孺欲成灰興廢由所感湮淪斯可哀空留  
故池雁刷羽尚徘徊



奉送相公十八丈鎮揚州

千騎風生大旆舒  
春江重到武侯廬  
共懸龜印銜新綬  
同憶鱸庭訪舊居  
取履橋邊啼鳥換  
釣璜溪畔落花初  
今來却笑臨邛客  
入蜀空馳使者車

謫仙嶺南道中作

嶺水爭分路轉迷  
枕椰椰葉暗蠻溪  
愁衝毒霧逢蛇草  
畏落砒蟲避燕泥  
五月畚田收火米  
三更津吏報潮雞  
不堪腸斷思鄉處  
紅槿花中越

鳥啼

青春到惡溪  
夜泊蘆鳴

甘露花香不再持  
遠公應怪負前期  
青蠅豈獨悲虞氏  
黃犬應聞笑李斯  
風雨瘴昏蠻日月  
煙波魂斷惡溪時  
嶺頭無限相思淚  
泣向寒梅近北枝  
蘭菊滿盈開謝外  
窗望翠嶺幾秋山  
無人長安秋夜

內官傳詔問戎機  
載筆金鑾夜始歸  
萬戶千門皆寂寂  
月中清露點朝衣



寄茅鍊師  
石上谿蓀發紫茸  
碧山幽藹水溶溶  
菖花定是無人見  
春日惟應羽客逢

獨尋蘭渚翫遲暉  
閒倚松窗望翠微  
遙想春山明月曙  
玉壇清磬步虛歸

懷京國

海上東風犯雪來  
臆前先折鏡湖梅  
遙思禁苑

青春夜坐待宮人  
畫詔廻

周賀

字南鄉

送康紹歸建鄴

南朝秋色滿君去  
意如何  
帝業空城在  
民田壞

塚多月圓臺  
獨上栗  
綻寺頻過  
籬下西江水相

思見白波

再過王輅原居  
納涼

夏天多憶此  
早晚得秋分  
舊月來還見  
新蟬坐

忽聞扇風調  
病葉溝水隔  
殘雲別有微涼處  
從

容不似君

同朱慶餘宿翊西上人房



溪僧還共謁相與坐中天屋雪凌高燭山茶稱  
遠泉夜清更徹寺空濶雁衝天莫怪多時話重  
來又隔年

出關寄賈島

舊鄉無子孫誰共老青門迢遞早秋路別離深  
夜村伊流背遠客岳響答啼猿去後期招隱何  
當此復言

懷西峰隱者

灌木藏岑色天寒望即愁高齋何日去遠瀑入

城流臘近溪書絕燈殘夜雪稠邇來相憶處枕

上苦吟休

旅懷

不覺月又盡未歸還到春雪通廬岳夢樹匝草

堂身澤雁和寒露江槎帶遠薪何年自此去舊

國祗荒鄰

長安送人

上國多離別年年渭水濱空將未歸意說向欲  
行人雁度池塘月山連并邑春臨分惜攜手日



暮一泊巾

春日寄友人

春居無俗喧時立澗前村路遠少來客山深多  
過猿帶巖松色老臨水杏花繁除憶文流外何  
人更可言

送僧歸江南

洗足北林去遠途今已分麻衣行嶽色竹杖帶  
湘雲飢鼠緣危壁寒狸出壞墳前峰一聲磬此  
夕不同聞

贈皎然上人

竹庭瓶水新添稱北窗人講罷見黃葉詩成尋  
舊鄰錫陰迷坐石池淨露齋身苦作南行約勞  
生始問津  
黃葉下堦頻徐徐起病身殘秋螢出盡獨夜雁  
來新別業去千里舊鄉空四鄰孤舟尋幾度又  
識岳陽人

山居秋思



一從雲水住魯不下西岑落木孤猿在秋庭積  
霧深泉流通井脉蟲響出墻陰夜靜溪聲徹寒  
燈尚獨吟

秋思

楊柳已秋思楚田仍刈禾歸心病起切敗葉夜  
來多細雨城驪噪殘陽嶠客過舊山餘業在杏  
隔洞庭波

早春越中遊留故人

此行經歲近惟約半年廻野渡人初過前山雲

未開雁羣逢燒斷林色映川來清夜蘆中客嚴  
家舊釣臺

送僧還南岳

辭僧下水柵因夢嶽鐘聲遠路獨歸寺幾時重  
到城風高黃葉落雨絕夜堂清自說溪居後鄰  
州亦不行

投江州張郎中

要地無閒日仍容冒謁頻借山年涉閩寢郡日  
逾旬驛徑曾衝雪方泉省滌塵隨行溪路細接



歷代詩選  
唐詩卷之十  
話草堂新減藥痊餘癖飛書苦問貧噪蟬離宿  
殼吟石寄秋身鍊句貽箱篋懸圖見蜀岷使君  
匡嶽近終作社中人

秋晚歸廬山留別道友

病起陵陽思翠微秋風動後着行衣月生石齒  
人同見霜落木稍愁獨歸已許衲僧修靜社便  
將樵叟對閒扉不嫌曾隱相隨去廬岳臨天好  
息機

送廬岳僧

浪匝湓城岳壁青白頭僧去掃禪扃龕燈度雪  
補殘衲山日上軒看舊經泉水帶冰寒溜澁薜  
蘿新雨曙煙腥已知身事非吾道甘臥荒齋竹  
蒲庭

溇陽與孫郎中醺迴

別酒已酣春漏前他人扶上北歸船溇陽渡口  
月未上漁火照江仍獨眠

寄長孫中丞

溇陽却到是何日此地今無舊使君長憶窮冬



宿廬岳瀑泉冰折共僧聞

寄吳淞中丞

石倉十二代詩選

唐卷之六十

終

蕭爽

蕭爽雨閣對巖已似夏

蕭爽雨閣對巖已似夏

蕭爽雨閣對巖已似夏





